

15. Hoe kan Jesus, die Goeie Herder, in jou lewensbehoefes voorsien in die week wat voorlê?

Soek drie Name van Jesus in Johannes 14:6

16. Jesus is _____ want jy volg Hom elke dag.

17. Jesus is _____. Jy moet jou werk, besluite en jou verhoudings aan Sy wil en Woord meet.

18. Jesus is _____. Hy leef in jou deur Sy Gees. Hy gee jou die mag om reg te lewe en Hy gee die ewige lewe.

Ons liggame sal eendag sterf, maar ons persoon nooit nie. Jesus sal ons (liggame) opwek wanneer Hy terugkom (Johannes 14:2-3).

19. Wat noem Jesus Homself? 15:5

20. Wat moet ons, die lote, doen om vrug te dra? 15:5

21. Wat kan ons sonder Jesus doen?

Herhaal hardop: “Here Jesus, dankie dat U my Brood, Lig, Deur, Herder, Weg, Waarheid, Lewe en Wynstok is.” Memoriseer die Bybelse Naam van Jesus waarvan jý die meeste hou.

ONS NUWE HELPER

Jesus lewe deur die Heilige Gees in gelowiges. “...het God die Gees van sy Seun in ons harte gestuur,” (Galasiërs 4:6^b). Sy Gees gee

Thomas Wade Akins

aan ons alles wat ons nodig het om volgens God se wil te leef. Hy gee ons ook krag om ons probleme op te los en die duiwel te oorwin.

22. Watter uitnodiging rig Jesus tot mense wat geestelik dors het? 7:37

23. Wat gebeur in ons as ons glo en drink van die water wat Hy gee?

24. Waarna verwys “stromende lewende water”? 7:38

25. Hoe verkry ons die Heilige Gees in ons lewe? 7:38

26. Watter twee dinge doen die Heilige Gees, God se Voorspraak, in ons? 14:26

a) _____

b) _____

27. In Johannes 15:26 is daar twee Name vir die Heilige Gees. Watter een verteenwoordig die volkomenheid van God wat jy vandag nodig het?

28. Wie lê getuienis af oor Jesus by diegene wat Hom nie ken nie?

15:26,27

Thomas Wade Akins

29. Wanneer die Heilige Gees in die gelowige inkom, sal Hy vier dinge doen. Noem hulle. 16:13,14

a) _____

b) _____

c) _____

d) _____

30. Die Heilige Gees wys ons wie die Here Jesus is en wat Hy in ons kan doen.
Jesus het ook belowe dat Hy Homself aan ons sal openbaar. 14:21,24
-
-

GOEIE NUUS VAN JESUS
GEBASEER OP MATTEUS

Die Verhaal van die Lewe van Jesus Christus
deur
Christy A. Brawner

Pionier Evangelisasie Reeks

**Hoe om die “Go eie Nuus van Jesus”- en
“Begin ’n Nuwe Lewe in Christus” Bybelverhale
te gebruik**

- 1 **Begin elke vergadering met 'n kort gebed en vra die Here om begrip te gee van die verhale.**
- 2 **Lees die verhale voor of, as daar genoeg kopieë is, lees hulle saam met die groep deur die indirekte metode te gebruik.**
- 3 **Die leier moet aan die einde van die verhaal mondelinge vrae te vra. Die doel met die vrae is hersiening en om vas te stel of hulle die verhaal verstaan en NIE om verder uit te brei daarop of te debatteer nie.**
- 4 **Lees die geestelike waarhede. Gee groepslede die kans om elke waarheid te bespreek en vrae te vra. Moet NOOIT met enigeen debatteer of stry nie. Dit is nie nou nodig dat lede saamstem of die geestelike waarheid moet aanvaar nie. Al wat belangrik is, is dat hulle die waarhede verstaan soos hulle in God se Woord geopenbaar is.**
- 5 **Na die geestelike waarhede kry elkeen die geleentheid om behoeftes en gebedsversoeke met die groep te deel.**
- 6 **Bid spesifiek vir elke behoefte en/of elke persoon in die groep. Soos wat die groep vorder en mense die Here aanneem, kan lede toegelaat word om vir mekaar te bid tydens die tyd vir intersessie.**

DIE GOEIE NUUS VAN JESUS

Deur
Christy A. Brawner

“Die Geboorte van Jesus” – Les 1 **Matteus 1 – 2**

**“Altesaam was daar dus veertien geslagte van Abraham af tot by Dawid, veertien van Dawid af tot by die Babiloniese ballingskap en veertien van die Babiloniese ballingskap tot by Christus.”
Matteus 1:17**

Maria, 'n Joodse meisie, het swanger geraak sonder dat sy enige seksuele verhouding met 'n man gehad het, want sy het deur die Heilige Gees swanger geword. Haar verloofde, 'n regverdige man, wou haar nie in die openbaar verneder nie en het besluit om die verlowing in die geheim te verbreek. Maar die aand wat hy die besluit geneem het, het 'n engel van die Here in 'n droom aan hom verskyn en gesê: “Josef, seun van Dawid, moenie bang wees om met Maria te trou nie, want wat in haar verwek is, kom van die Heilige Gees. Sy sal 'n Seun in die wêreld bring, en jy moet Hom Jesus noem, want dit is Hy wat sy volk van hulle sondes sal verlos.” Maria was die jong meisie van wie die profeet Jesaja gepraat het in die Ou Testament toe hy gesê het: “Die maagd sal swanger word en 'n Seun in die wêreld bring, en hulle sal Hom Immanuel noem.” Die Naam beteken “God by ons”.

Toe Josef uit sy slaap wakker word, het hy gemaak soos die engel hom beveel het. Hy het met Maria getrou. Hy het egter nie met haar gemeenskap gehad voordat sy haar Seun in die wêreld gebring het nie. Josef het die Baba Jesus genoem soos die engel hom beveel het.

Jesus is gebore in die dorpie Betlehem in Judea, 'n provinsie van Israel. Die koning van Israel was Herodus.

Wyse manne uit die Ooste het na Judea gekom agter 'n helder ster aan wat hulle gevolg het. Volgens wat hulle gelees het, het hierdie ster die geboorte van 'n beloofde Koning aangekondig. Omdat hulle nie presies geweet het waar om die Kind te kry nie, het hulle eers na koning Herodus, koning van Judea, se paleis gegaan om navraag te doen oor waar die nuwe Koning van die Jode gebore is.

Herodus was omgekrap oor hierdie storie en het 'n geheime vergadering belê met al sy godsdienstige raadgevers en priesters. Hy het hulle gevra waar die beloofde Koning van die Jode volgens die profesieë gebore sou word. Die priesters het vir hom gesê dat die Skrifte sê die beloofde Kind sou in Betlehem gebore word. Hy het toe na die wyse manne gegaan en vir hulle gevra presies wanneer hulle die ster die eerste keer opgemerk het. Hy het dit gevra omdat hy wou uitvind presies wanneer die Kind gebore is, want op dié manier sou hy Sy ouderdom kon uitwerk.

Herodus het aan die wyse manne gaan sê in watter dorp die Baba gebore sou word. Hy het ook vir hulle gesê: “Gaan doen noukeurig ondersoek na die Kindjie, en as julle Hom kry, laat my weet, sodat ek ook aan Hom hulde kan gaan bewys.”

Die wyse manne het die paleid verlaat en die ster verder gevolg na Betlehem. Die ster wat hulle gevolg het, het voor hulle uitgegaan en oor die huis gaan staan waar die Kindjie was. Hulle het in die huis ingegaan. Toe hulle die Kind by Maria, Sy moeder, sien, het hulle neergeval en Hom hulde bewys. Hulle het ook vir Hom waardevolle geskenke gegee: goud, wierook en mirre.

Die wyse manne het toe vertrek na hulle tuiste in die Ooste. Maar, nog voor hulle vertrek het, is hulle in 'n droom gewaarsku om nie terug te gaan na Herodus toe om vir hom te sê waar die Kind is nie. Hulle is toe met 'n ander pad huis toe.

Na hulle vertrek het Josef nog 'n droom gehad. God het hom in die droom gewaarsku dat Herodus na die Kind sal kom soek om Hom dood te maak, en dat hulle na Egipte toe moes vlug. Hy het dadelik sy gesin gaan wakker maak en met hulle gevlug. Hulle het in Egipte gewoon tot Herodus dood is. So is die profesie van die profeet, Hosea, vervul, wat gesê het: “Uit Egipte het Ek my Seun geroep.”

Toe Herodus uitvind dat die wyse manne hom bedrieg het, was hy woedend. Hy het beveel dat alle seuntjies onder die ouderdom van twee jaar, doodgemaak moes word. Dit was 'n verskriklike slagting van al die babas in en om Betlehem. Die Joodse profeet Jeremia het hierdie tragedie egter lank tevore reeds voorspel.

Toe Herodus dood is, het 'n engel aan Josef verskyn en vir hom gesê om terug te keer na Israel. Josef was egter besorg omdat Herodus se seun koning was van Judea. Hy het toe met sy gesin in die naburige provinsie van Galilea gaan woon in 'n dorp met die naam Nasaret. Jesus het in hierdie dorp groot geword. Ook hierdie gebeure was 'n vervulling van 'n profesie: “Hy sal Nasarener genoem word.”

Mondelinge Vrae

1. Wie is Maria?
2. Aan wie het die engel verskyn om te sê wat die Kind se Naam moes wees?
3. Hoekom het die wyse manne uit die Ooste Judea toe gekom?
4. Waarom wou Herodus weet waar Jesus was?
5. Hoe het die wyse manne geweet om nie na Herodus terug te gaan nie?
6. Hoe het Herodus die beloofde Koning van die Jode probeer doodmaak?

7. Hoe het Josef geweet om met sy gesin na Egipte te vlug?
8. Hoe het hy geweet toe dit veilig was om terug te keer Israel toe?
9. Hoekom het hy liever met sy gesin in Galilea gaan woon as in Judea?
10. In watter dorp het Jesus groot geword?

Geestelike Waarhede – Les 1 **Matteus 1 – 2**

1. God is getrou en Hy hou altyd Sy beloftes. Van die sondeval van die eerste mens en sy vrou af het God belowe dat Hy 'n Verlosser na die wêreld sou stuur. Deur die eeue heen het Hy die belofte verskeie kere aan verskeie mense herhaal asook baie besonderhede van *hoe* die Verlosser sou kom. Jesus het gekom PRESIES soos daar in die Skrifte voorspel is. Kom ons onthou in die verhaal ten minste een profesie wat deur die geboorte van Jesus vervul is.

*God is aan ons net so getrou! In die Bybel is daar baie belangrike beloftes wat Hy gemaak het oor Sy plan vir ons. Hy sal al hierdie beloftes en profesieë vervul. Dit is belangrik dat ons die Skrif lees en God se beloftes vir ons lewens ontdek.

2. Die Bybel is die Woord van God en alles daarin is waar. God het duisende jare voor Jesus se geboorte deur Sy profete die presiese besonderhede van Sy geboorte en lewe gegee. Alles het PRESIES gebeur soos voorspel is.
3. God is in beheer van alles. Hy kan dinge laat gebeur wat bo-natuurlik en wonderwerklik is. In hierdie verhaal gebeur daar verskeie bo-natuurlike dinge of wonderwerke. Wat is ten minste *een* van hierdie dinge?
4. God kan met mense praat en Hy doen dit. Daar is mense wat glo dat God die aarde gemaak het, maar dat Hy nie omgee wat hier gebeur nie. Hoe het Hy in hierdie verhaal met die mense gepraat? God praat vandag nog steeds met ons. Ons sal met hierdie studie sien hoe ons 'n lewende verhouding met Hom kan hê.

5. God weet alles wat gaan gebeur. Soms laat Hy egter in Sy goddelike wysheid toe dat verskriklike dinge gebeur. Herodus wou die beloofde Kind doodmaak omdat hy bedreig gevoel het deur Hom. God het geweet die man sou honderde hulpelose kindertjies vermoor. As gevolg van ongehoorsaamheid en rebellie in Herodus se hart het 'n groot verskrikking plaasgevind. Vandag gebeur daar soms verskriklike dinge as gevolg van ongehoorsaamheid en rebellie in *ons* lewens. Weet jy van 'n moderne voorbeeld waar iemand seergekry het as gevolg van die boosheid van 'n ander persoon?
6. Die mens kan nooit teen God te staan kom en wen nie! Herodus kon nie die beloofde Kind doodmaak nie. Al wat hy kon bereik, was om verskriklike smart te veroorsaak in die lewens van baie gesinne. Ons probeer vandag baiekeer om God se wette en Sy wil teen te staan. Dit bring altyd hartseer; as dit nie vir ons is nie, dan vir mense óm ons (vir wie ons seermaak). Kan jy dink aan 'n tyd in jou lewe waar jy 'n verkeerde ding gedoen het wat hartseer in jou lewe veroorsaak het? Kan jy dink aan 'n keer wat jy seergekry het as gevolg van die rebellie van 'n ánder persoon?
7. Die priesters en godsdienstige raadgewers het die Skrifte aangaande die beloofde Koning geken, maar hulle het nie gegaan om Jesus te ontmoet nie. Is dit moontlik om baie godsdienstig te wees, om baie te weet van die Bybel, om baie te weet van Jesus Christus, maar om Hom *nooit* persoonlik in jou hart te ken nie?
8. Jesus is God met ons, Immanuel. Die engel het hierdie woorde wat deur die profeet Jesaja opgeteken is, vir Josef gesê. Baie mense sê dat Jesus 'n profeet was. Ander sê weer dat Hy 'n

engel was, of 'n goeie mens. Die Bybel leer ons egter dat Hy “God met ons” was.

In die volgende ses weke gaan ons probeer vasstel wie JESUS CHRISTUS werklik is en wat die GOEIE NUUS is wat Hy na die aarde gebring het.

DIE GOEIE NUUS VAN JESUS

Deur
Christy A. Brawner

“Jesus se Doop” – Les 2 **Matteus 3 – 4**

Hersiening

1. Jesus se ma was _____.
2. Een wonderwerk in verband met Jesus se geboorte was dat Hy gebore is uit 'n _____.
3. Die Ou Testament het baie dinge gesê oor die geboorte van Christus; een hiervan was dat Hy Immanuel genoem sou word, dit is: “God _____.”
4. Herodus was die _____ van Judea wat Jesus probeer doodmaak het. Hy het al die baba seuntjies onder twee jaar, in en om Betlehem laat _____.
5. Die wyse manne wat na Jesus gaan soek het, het 'n _____ gevolg. Hulle het met 'n ander pad huis toe gegaan as die een waarmee hulle gekom het omdat God hulle in 'n _____ gewaarsku het dat Herodus Jesus wou _____.
6. Josef het in die middel van die nag met sy gesin uit Betlehem gevlug na Egipte omdat die Here hom in 'n _____ gewaarsku het dat Herodus _____.
7. Josef het geweet dat dit veilig was om terug te keer na Judea, want 'n _____ het aan hom verskyn. Hy het egter nie met sy gesin teruggekeer na Betlehem toe nie, maar na 'n dorpie met die naam _____.

8. Soos wat die Here regdeur die geskiedenis gemaak het, hou Hy vandag nog Sy _____.
9. Die Here weet wat in ons _____ leef, selfs as daar boosheid is.
10. Dit is moontlik dat 'n mens godsdienstig kan wees, dat hy selfs baie kan weet van die Bybel, maar dat jy _____ steeds nooit _____ in jou _____ ken nie.

“Bekeer julle, want die koninkryk van die hemel het naby gekom.” Matteus 3:2

Hierdie woorde is deur 'n man wat in die woestyn van Judea gewoon het, gepreek. Hy het klere van kameelhaar gedra, met 'n leerband om sy heupe en hy het sprinkane en veldheuning geëet. Sy naam was Johannes die Doper.

Baie mense uit die omliggende gebiede van die Jordaanrivier in Judea, het na die woestyn gegaan om Johannes te hoor preek. Baie het hul sondes bely en hulle in die Jordaanrivier laat doop nadat hulle na hom geluister het. Baie van die godsdienstige leiers, die Sadduseërs en die Fariseërs, het ook gegaan om te gaan kyk wat in die woestyn gebeur. Toe Johannes hulle sien, het hy hulle “slange” genoem (ou vertaling: “addergeslag”). Hy het vir hulle gesê dat hulle God nie vrees nie, maar dat hulle glo dat hulle so godsdienstig is, en van so 'n goeie afkoms, dat hulle nie nodig gehad het om hulle te bekeer van hulle sondes nie.

Terwyl Johannes om te preek, het Jesus op 'n dag na hom gekom om gedoop te word. Johannes wou dit eers nie doen nie. Hy het gesê dat hy nie waardig was om Jesus te doop nie. Jesus het egter by hom aangedring en die twee het in die Jordaanrivier ingegaan. Toe Jesus opkom uit die water, het die Heilige Gees soos 'n duif op Hom neergedaal. Daar was ook 'n stem uit die hemel wat gesê het: “Dit is my geliefde Seun. Oor Hom verheug Ek my.”

Hierna is Jesus deur die Gees die woestyn ingelei om deur die duiwel versoek te word. Hy het vir veertig dae en nagte niks geëet of gedrink nie. Na veertig dae was Hy baie honger en dit was tóé dat Satan Hom versoek het.

Eers het hy probeer om Jesus te kry dat Hy klippe in brood verander deur te sê dat dit sou bewys dat Hy God is. Jesus het die geskrewe Woord van God gebruik om hom te antwoord. Toe het Satan vir Jesus na die dak van die tempel geneem en vir Hom gesê om af te spring en te bewys dat Hy God is. Jesus het weer die Woord van God gebruik om hom te antwoord. Laastens het hy Hom na 'n baie hoë berg geneem en gesê: “Dit alles sal ek vir U gee as U neerval en my aanbid.” Jesus het hom geantwoord: “daar staan geskrywe: Die Here jou God moet jy aanbid en Hom alleen dien.” Hierna het die duiwel Jesus verlaat en het engele gekom en Hom versorg.

Na Jesus se terugkeer uit die woestyn het Hy gehoor dat Herodus Johannes die Doper in die tronk gegooi het. Jesus het die dorp waar Hy grootgeword het, Nasaret, verlaat en Galileas toe gegaan. Die provinsie was Noord van Judea. Hy het in Kapernaum gaan bly. Dit was 'n vervulling van die profeet Jesaja se profesie: “Jy, gebied van Sebulon en gebied van Naftali, aan die seekant en oorkant die Jordaan, Galilea waar die heidene woon! Die volk wat in duisternis woon, het 'n groot lig gesien; hulle wat in die skemerland van die dood lewe, vir hulle het die lig opgegaan.”

Die Bybel lee ons dat Jesus van hierdie dorp af onder die mense begin werk het. En Sy boodskap was dié een: “Bekeer julle, want die kininkryk van die hemel het naby gekom.”

Mondelinge Vrae

1. Beskryf die man genaamd Johannes die Doper.
2. Wat was Johannes die Doper se boodskap?

3. Wat het Johannes die Doper gedoen met die mense wat hulle sondes bely het?
4. Hoekom wou Johannes die Doper nie vir Jesus doop nie?
5. Hoe (op watter manier) is Jesus gedoop?
6. Wat het gebeur toe Jesus uit die water opkom?
7. Hoekom is Jesus na die woestyn?
8. Wat het Jesus vir 40 dae en 40 nagte nie gedoen nie?
9. Noem een manier waarop die Satan Hom versoek het?
10. Wie het Jesus kom versorg nadat Satan opgehou het om Hom te versoek en Hom verlaat het?
11. Waarheen het Jesus gegaan nadat Hy gehoor het dat Johannes die Doper in die tronk gegooi is?
12. Wat was Jesus se boodskap? Wie het dieselfde boodskap verkondig?

Geestelike Waarhede – Les 2 Matteus 3 – 4

1. Johannes die Doper en Jesus het die selfde boodskap gebring: “Bekeer julle, want die koninkryk van die hemel het naby gekom.”
 - **Om jou te bekeer beteken om weg te draai van die sonde in jou lewe. Dit beteken om volle beheer van jou lewe oor te gee aan Jesus Christus.**
 - **Sonde is om God en Sy Wet ongehoorsaam te wees.**
 - Is dit moeilik vir iemand om hom te bekeer? Wat beteken hierdie woord vir jou? *Bespreek hierdie begrip met die hele groep; gee aan elkeen ’n beurt om sy opinie te gee.*
2. Die geestelike leiers het gedink hulle het nie nodig gehad om hulle te bekeer nie omdat hulle godsdienstig was. Hulle het gedink hulle was goed genoeg. Johannes het hulle ’n “addergeslag” (kinders van ’n slang) genoem. Is daar enigeen op aarde wat só godsdienstig of goed (genoeg) is dat hulle hulle nie hoef te bekeer nie?

*Die Bybel sê in Romeine 3:23: “Almal het gesondig en is ver van God af,”

*Is daar iemand op aarde wat nie sonde in hul lewe het nie? Is daar iemand wat nooit ongehoorsaam was aan die Here, of Sy standaard van optrede of gesindheid geminag het nie? Die Bybel sê “Nee”. Stem jy saam met die Bybel dat ons almal sonde in ons lewens het? *Dit is weereens belangrik om elke groepslid ’n kans te gee om sy opinie te gee. Moet nie as leier stry of enigiemand toelaat om te argumenteer nie; dit is goed om mense toe te laat om hul gevoelens uit te spreek.*

3. Jesus is gedoop, maar omdat Hy volkome God is, het Hy nooit gesondig nie.

Dit sê vir ons dat die doop NIE ’n godsdienstige ritueel is wat sonde uit ’n mens se lewe kan wegneem nie. As die doel van die doop was om mense se sonde weg te was, sou dit nie nodig wees dat Jesus gedoop word nie. Hy, omdat Hy volkome God was, het nooit gesondig nie!

4. Toe Jesus uit die water opkom, het die Heilige Gees op Hom neergedaal soos ’n duif en God die Vader het uit die hemel gesê: “Dit is my geliefde Seun. Oor Hom verheug Ek my.” Hier sien ons die drie Persone van die Drie-eenheid. Wie is Hulle?

God die Vader, God die Seun en God die Heilige Gees.

5. Jesus is die woestyn ingelei om deur Satan versoek te word. Satan is ’n realiteit. Hy is ’n gees wat in die wêreld is saam met baie van sy volgelingen, genoem demone, en hulle kan verwoesting saai in ons lewens deur ons te lei na ongehoorsamheid aan God. Net soos Jesus versoek is, versoek Satan ons ook. Maar die Bybel leer dat ons, anders as Christus, ook versoek word deur boosheid wat reeds in ons harte is, om dinge te doen wat God nie behaag nie, of deur te sondig.
6. Die profeet Jesaja het geprofeteer dat Jesus aan die seekant van die Jordaan sou woon en dat Hy ’n Lig sou wees vir die volk wat in duisternis woon, vir hulle wat in die skemerland van die dood woon.

Almal van ons is in duisternis sonder Christus, maar dalk leef jy of iemand wat jy liefhet, in die skemerland van die dood. Party mense

bevind hulself daar as gevolg van dwelmmiddels, ander as gevolg van immorele verhoudings en nóg ander is slagoffers van geweld. Hierdie vers sê vir ons dat Jesus gekom het om lig te gee aan die van ons wat in duisternis is, en dat Hy vryheid kan gee vir die wat in die skemerland van die dood leef.

*Laat ons vandag in ons gebedstyd bid vir ons geliefdes wat in die skemerland van die dood leef. Mag ons lig en vryheid vind in Jesus Christus!

DIE GOEIE NUUS VAN JESUS

Deur
Christy A. Brawner

“Die Wonderwerke van Jesus” – Les 3 **Matteus 4 – 9**

“Kom hier! Kom saam met My, en Ek sal julle vissers van mense maak.” Matteus 4:19

Hersiening

1. Wie het vir Josef gesê van die koms van Jesus en dat Sy Naam “Immanuel” of “God met ons” sou wees? Dit leer ons dat Jesus _____ *met ons* is.
2. Wie wou die klein seuntjie, Jesus, doodmaak? Hoekom? Jesus het ontkom omdat hulle gevlug het na _____.
3. Wie het Jesus gedoop? Die feit dat Jesus gedoop moes word, wys vir ons dat die doel van die doop nie die reining van _____ in ons lewens is nie.
4. Toe Jesus uit die water opkom, het iets soos ’n duif uit die hemel om Hom neergedaal, en ’n Stem het uit die hemel gepraat. Wie was die duif en wie se stem was dit?
5. Die Fariseërs het gedink dat hulle nie nodig gehad het om hulle te bekeer van hulle sondes nie, aangesien hulle baie godsdienstig was. Is dit vir iemand moontlik om godsdienstig genoeg te wees om só sy sondes uit te wis?
6. Wat beteken die woord *bekeer*?
7. Wat is sonde?
8. Wie het Jesus in die woestyn versoek?
9. Waarheen is Jesus toe Hy uit die woestyn weg is?

Terwyl Hy langs die See van Galilea gestap het, het Jesus op twee vissermanne afgekom wat besig was om vis te vang. Hy het hulle geroep: “Kom saam met My, en Ek sal julle vissers van mense maak.” Hulle het dadelik hulle nette gelos en Hom gevolg. Daardie dag het Jesus Sy eerste vier dissipels geroep: Petrus en Andreas, en Jakobus en Johannes. Hulle was almal vissermanne.

Daarna het Jesus deur die hele Galilea gegaan en die mense in die sinagoges geleer, die Evangelie van die koninkryk verkondig en allerhande soort siekte en kwale onder die volk gesond gemaak. ’n Groot menigte het Hom gevolg waar Hy ookal gegaan het.

’n Melaatse man het voor Jesus kom kniel en gesê: “Here, as U wil, kan U my gesond maak.” Jesus het hom aangeraak en gesê: “Ek wil. Word gesond!” Hy is onmiddellik genees.

’n Romeinse offisier het na Jesus toe gekom om Hom te vra om sy slaaf wat verlam was en baie pyn verduur het, te genees. Hy het geglo dat Jesus hom kon genees. Jesus het vir hom gesê dat baie mense uit verskeie volkere sal saamkom om maaltyd te hou in die koninkryk van die hemel. Jesus het hom teruggestuur huis toe en gesê: wat jy geglo het, sal gebeur.” Van daardie oomblik af was sy slaaf gesond.

By ’n ander geleentheid het Jesus aan die oorkant van die see gekom. Twee mense wat in die mag van duiwels was en tussen die grafte gebly het, het Hom tegemoet gekom. Hulle was baie gevaarlik en niemand kon dit waag om verby hulle te stap nie.

Toe hulle Jesus sien, het die duiwels uitgeroep: “Wat het U met ons te doen, Seun van God? Het U hierheen gekom om ons voor die tyd te pynig?”

’n Hele ent van hulle af het ’n trop varke geloop. Die duiwels het Jesus gesmeek: “As U ons uitdryf, stuur ons tog in die trop varke in.” Hy sê toe vir hulle: “Gaan!” en hulle het dadelik die mense verlaat en in die trop varke ingevaar. Die hele trop varke het teen die hang begin afhardloop, in die see ingestort en versuip.

Die wagers het weggehardloop dorp toe en gaan vertel wat Jesus met die mans wat besete was, gedoen het, en wat met die varke gebeur het. Die mense van die dorp het na Jesus gekom en Hom gevra om hulle gebied te verlaat.

Jesus het toe in ’n boot oorgevaar en na Sy eie dorp teruggegaan. Kort hierna het Hy ’n man met die naam Matteus ontmoet, ’n tollenaar vir die regering. Jesus het vir hom gesê: “Volg My!” en hy het dadelik opgestaan en Hom gevolg.

Daardie aand het Jesus en Sy dissipels saam met tollenaars en ander mense met slegte reputasie geëet. Toe die Fariseërs (godsdienstige leiers) dit sien, het hulle vir Jesus se dissipels gevra: “Waarom eet julle leermeester saam met tollenaars en sondaars?”

Toe Jesus dit hoor, het Hy vir hulle gesê: “Dié wat gesond is, het nie ’n dokter nodig nie, maar dié wat siek is. Gaan leer wat dit beteken: ‘Ek verwag barmhartigheid en nie offers nie.’ Ek het nie gekom om mense te roep wat op die regte pad is nie, maar sondaars tot bekering.”

Mondelinge Vrae

1. Watter soort werk het Jesus se eerste vier dissipels gedoen?
2. Wat het hulle gedoen toe Jesus hulle roep om Hom te volg?
3. Jesus het deur die hele Galilea gegaan en ’n menigte het Hom gevolg. Wat het Hy gedoen wat gemaak het dat die mense agter Hom aangeloop het?
4. Wat is die eerste genesing wat in Matteus opgeteken is?
5. Wat was verkeerd met die Romeinse offisier se slaaf?
6. Waar het die twee duiwel-besetenes gebly? Watter soort mans was dit?
7. Wat het die duiwels gedoen toe hulle Jesus sien?
8. Wat het met die duiwels gebeur nadat hulle uit die mans gedryf is?
9. Wat het met die varke gebeur?

10. Hoe het die wagters en die eienaars van die varke opgetree?
11. Watter soort man was Matteus?
12. Saam met wie het Jesus aandete geëet?
13. Wat was die Fariseërs se reaksie hierop?
14. Wat het Jesus die Fariseërs geantwoord?

Geestelike Waarhede – Les 3 **Matteus 4 – 9**

1. Jesus tref geen onderskeid tussen mense nie.
 - Jesus se eerste dissipels was vissermanne; eenvoudige manne sonder enige formele opvoeding.
 - Die melaatse was uit die samelewing geban as gevolg van 'n siekte wat hom vermink het.
 - Die slaaf van die Romeinse offisier was verlam en het geen geld of status gehad nie.
 - Matteus was 'n tollenaar. Heelwaarskynlik was hy baie ryk, maar hy was 'n dief.
 - Die duiwelbesetenes tussen die grafte gebly. Hulle is deur hul medemens verag en die mense van die dorp het meer waarde geheg aan gesonde varke as aan die feit dat die manne genees is.

***Maar al hierdie mense was vir Jesus belangrik en waardevol. Jý is waardevol in God se oë. Jou verlede, jou geld, jou voorkoms, jou sosiale status is nie vir Hom belangrik nie.**

2. Jesus het mag om siektes te genees. Watter voorbeeld is daar in die verhaal van mense wat genees is?
3. Jesus het gesag oor die duiwels. Daar is mense wat al betrokke geraak het by duiwels of geeste omdat hulle goeie dae probeer doen. Voor hulle hulself kom kry, het die duiwels hul lewens oorgeneem. Die duiwels volg en vertoorn hulle en laat hulle vir geen oomblik alleen nie. Hierdie mense is nie by magte om ontslae te raak van die duiwels nie. **Jesus het mag en krag oor ELKE duiwel en gees in die wêreld. Ons kan SLEGS deur Jesus Christus vry wees van bese geeste.**

4. Jesus het mense met 'n slegte reputasie ook lief. Hy aanvaar alle sondaars. Jesus verwerp nie mense nie, maar Hy begeer dat elkeen tot bekering kom en ware vergifnis vind.
5. Die godsdienstige mense, of Fariseërs, het hulle nie van hulle sondes bekeer nie. Hulle het gedink hulle is beter as die (ander) sondaars wat saam met Jesus geëet het. Wat is beter: om 'n groot sondaar te wees wat vergifnis gevind het, of iemand met 'min' sondes wat weier om homself te bekeer?
- Dit is ver beter om 'n groot sondaar te wees wat vergifnis gevind het!

Jesus aanvaar ons en het ons lief net soos ons is. Dit maak nie vir Hom saak as ons verskriklike sondaars is, arm is, onopgevoed is met baie probleme, en of ons 'n siekte het nie. In Sy oë is ons almal eenders. Die belangrikste ding is dat ons ons moet bekeer en Hom moet volg.

DIE GOEIE NUUS VAN JESUS

Deur
Christy A. Brawner

“Jesus se Lering” – Les 4 **Matteus 10 – 16**

“Ek verwag barmhartigheid en nie offers nie,” Matteus 12:7

Hersiening

1. Jesus is gebore van 'n Joodse vrou met die naam _____.
2. Wyse manne uit die Ooste kon Jesus vind omdat hulle 'n _____ gevolg het.
3. Die wyse manne het nie na Herodus se paleis teruggekeer nie omdat _____ hulle gewaarsku het om langs 'n ander roete terug te keer huis toe.
4. Johannes die Doper het in die woestyn gebly en gepreek, en hy het die mense wat hul sondes bely het, _____.
5. Wat beteken die woord “bekeer”? _____.
6. Toe Jesus gedoop is, het die _____ soos 'n duif op Hom neergedaal, en 'n stem het uit die hemel gepraat. Hier word die drie Persone van God duidelik: God die _____, God die _____ en God die _____. Dit is die Drie-eenheid.
7. Jesus is in die woestyn deur _____ versoek.
8. Jesus se eerste dissipels was _____ van beroep.
9. Jesus het twee mans teëgekom wat van die duiwel besete was. Hoe het Hy hulle gehelp? Wat was die reaksie van die dorpsmense op Jesus se daad?

10. Die Fariseërs het Jesus gekritiseer omdat Hy saam met _____ geëet het.
11. Is dit beter om 'n groot sondaar te wees wat tot bekering gekom het, of 'n persoon met min sondes maar 'n onbekeerde hart?

Jesus het twaalf manne geroep om Sy dissipels te wees, i.e. om naby Hom te wees en deur Hom onderrig te word. Hy het hierdie twaalf mag gegee oor bese geeste en die krag om allerhande siektes te genees. Hy het vir hulle gesê om vryelik te gee omdat hulle vryelik ontvang het. En Judas Iskariot was onder die manne wat uitgestuur is.

Jesus het hulle na al die uithoeke van Israel toe gestuur om die Joodse volk te roep om hulle te bekeer en te glo in Jesus Christus. Hy het hulle hierdie boodskap gegee: “Elkeen wat hom voor die mense openlik vir My uitspreek, vir hom sal Ek my openlik uitspreek voor My Vader wat in die hemel is.”

Jesus het Self die mense oral in Galilea geleer, gepreek en allerhande siektes genees. Maar die mense van Galilea saam met wie Hy so baie tyd deurgebring het, het Sy boodskap verwerp. Kapernaum, die dorp waar Hy die eerste keer in die openbaar opgetree het, het Hom verwerp. Toe Jesus dit sien, het Hy na Sy Vader gegaan:

“Ek prys U, Vader, Here van hemel en aarde, dat U hierdie dinge vir slim en geleerde mense verberg het en dit aan eenvoudiges bekend gemaak het. Ja, Vader, so was dit u genadige bedoeling. My Vader het alles aan My toevertrou, en niemand ken die Seun nie, behalwe die Vader en ook ken niemand die Vader nie, behalwe die Seun en elkeen aan wie die Seun Hom wil bekend maak. Kom na My toe, almal wat uitgeput en oorlaai is, en Ek sal julle rus gee. Neem my juk op julle en

leer van My, want Ek is sagmoedig en nederig van hart, en julle sal rus vind vir julle gemoed. My juk is sag en my las is lig.”

Nadat Hy dit gesê het, het Jesus en Sy dissipels verby 'n koringland gestap. Dit was die Sabbatdag. Omdat die dissipels honger was, het hulle van die koring begin eet.

Die Fariseërs – onthou nou, hulle was godsdienstige leiers – het dit gesien en die dissipels aangekla omdat dit teen die Joodse wet was om op die Sabbat te werk. Jesus het hulle geantwoord deur te sê dat hulle nog steeds nie die wet van God verstaan nie, want die Skrif sê: “Ek verwag barmhartigheid en nie offers nie.”

Jesus en Sy dissipels het hiervandaan na die sinagoge gegaan. Daar het hulle 'n man met 'n gebrekkige hand gekry. Jesus het hom gevra om sy hand uit te steek. Toe hy dit doen, het Jesus hom daarvoor almal genees – op die sabbatdag!

Die Fariseërs was woedend. Hulle het die plek verlaat en 'n Raad gestig om planne te beraam om Jesus dood te maak. Jesus het ook die plek verlaat, want Hy het geweet wat hulle beplan het. 'n Groot groep mense het Hom gevolg en Hy het hulle almal gesond gemaak, maar hulle belet om oor Hom te praat.

Jesus het nog 'n ruk lank in hierdie streek gewerk. Hy het die mense geleer en hulle gesond gemaak. Twee keer het mense Hom gevolg na onherbergsame plekke waar hulle vir lang rukke na Sy Woorde geluister het sonder om iets te eet. Twee maal het Jesus meet as vierduisend mense gevoed met minder as sewe brode en 'n paar visse.

Terwyl Hy nog in Galilea gewerk het, het Jesus aan Sy dissipels verduidelik dat Hy binnekort na Jerusalem sou gaan en dat verskriklike dinge daar sou gebeur. Hy het vir hulle gesê dat Hy baie dinge sou moet ly aan die hand van die Joodse leiers, dat Hy doodgemaak sou word, maar dat Hy op die derde dag weer uit die dood opgewek sou word.

Moontlike Vrae

1. Watter opdrag het Jesus vir Sy dissipels gegee?
2. Wat sal Jesus doen ^(a) vir dié mense wat Hom voor mense bely, en ^(b) vir diegene wat Hom verloën voor mense?
3. Hoe het die inwoners van Kapernaum – en ook van baie dorpe in Galilea waar Hy die meeste wonderwerke gedoen het – op Jesus se boodskap gereageer?
4. Jesus het almal wat moeg en oorlaai is, genooi om na Hom toe te kom. Wat belowe Hy om vir hulle te doen?
5. Hoekom het Jesus en Sy dissipels in die koringland vertoef?
6. Waarom het die Fariseërs Jesus gekritiseer omdat hulle koring bymekaar gemaak het?
7. Hoekom was die Fariseërs daarteen dat Jesus die man met die verdorde hand gesond maak?
8. Wat was die doel van die Raad wat die Joodse leiers gestig het?
9. Jesus het Sy volgelinge ingelig oor sekere dinge wat in Jerusalem met Hom sou gebeur. Wat was Sy profesie?

Geestelike Waarhede – Les 4
Matteus 10 – 16

1. Jesus sal diegene wat Sy Naam voor mense bely ook voor Sy Vader bely. Maar dié wat Hom voor mense verloën, vir hulle sal Hy verloën voor Sy Vader in die hemel.
 2. Baie mense het Jesus net gevolg omdat hulle 'n wonderwerk wou sien. Hulle wou nie 'n verhouding met Hom hê nie en hulle wou nie Sy Woord gehoorsaam nie. Hulle wou hulle nie bekeer van hulle sondes nie. Hulle wou net voordeel trek uit God se barmhartigheid. Daar is vandag nog baie sulke mense. Ken jy so iemand?
 3. Die enigste Persoon wat toegang het tot die Vader, is Jesus Christus en diegene wat na die Vader kom deur Jesus Christus. Daar is geen ander Middelaar na die Vader as Jesus Christus nie. Daar is net een God, en daar is net een Weg na God, en die Bybel leer dat dit Jesus Christus is.
- * Jy is dalk geleer om tot God te bid deur ander middelaars as Jesus Christus. Wie is hulle? Is hulle gode, profete, goeie mense uit die verlede? Die Bybel sê dat hulle dalk goeie mense was, maar hulle is nie God nie. Stem jy saam met die Bybel dat daar net EEN Middelaar is tussen God en die mens, Jesus Christus?
4. Jesus wil jou laste en bekommernisse dra. Hy is sagmoedig en nederig van hart. Hy wil ons verlos van die gewig wat ons dra. In Hom kan ons rus vind vir ons siele, as ons Sy juk aanneem, met ander woorde, as ons Sy Heerskappy of leierskap in ons lewens aanneem.
 5. Jesus is besorgd oor ons fisiese behoeftes. Die dissipels was honger en Jesus het vir hulle kos gegee, wetend dat dit vir Hom

die woede en vervolging van die Fariseërs op die hals sal haal.
Die Skepper van die heelal is besorgd oor die fisiese behoeftes van elkeen van ons.

“Ek verwag barmhartigheid en nie offers nie.” Wat beteken die woord “offers” vir jou? Is jy deur godsdienstige leiers geleer om offers aan God te bring, miskien om guns te soek of vergifnis van ’n sonde? Is dit vir jou moeilik om te glo dat God nie wil hê dat jy enigiets aan Hom moet bewys deur offers te bring nie? Vir ’n tweede keer probeer Jesus hier vir die Fariseërs verduidelik dat God nie tevrede gestel word deur ons (menslike) offers nie. Dit is egter diwels vir mense wat baie godsdienstig is moeilik om te aanvaar. Alle godsdienste leer dat ons iets moet doen om God se wraak vry te spring of om Sy guns te wen. Baie mense kry baie swaar in ’n poging om aan God ’n belofte te betaal, te betaal vir sondes van die verlede, of om net hulle lojaliteit aan God te bewys. Dit bewys egter NIKS aan God nie. Hy wil ’n verhouding met ons hê. Hy wil aan ons barmhartigheid bewys; Hy begeer nie ons offers nie. Jesus het geweet dat Hy baie sou moes ly en dan sterf, maar dat Hy na drie dae opgewek sou word uit die dood. Dit was alles deel van God se plan. Hy het dit aan Sy dissipels probeer verduidelik, maar hulle kon nie verstaan hoekom Hy moes sterf en weer opgewek word nie.

* In die laaste drie lesse van hierdie studie gaan ons probeer om te verstaan watter betekenis en waarde Jesus se dood en opstanding gehad het. Hierdie unieke gebeurtenis sou die geskiedenis van die wêreld vir altyd verander. Hierdie enkele gebeurtenis het die krag om die band van sonde te verbreek en ons lewens te verander.

DIE GOEIE NUUS VAN JESUS

Deur
Christy A. Brawner

“Jesus word Verraai” – Les 5 **Matteus 20 – 26**

“¹⁷Terwyl Jesus na Jerusalem toe op pad was, neem Hy die twaalf dissipels opsy, en so in die loop sê Hy vir hulle: ¹⁸Kyk, ons gaan nou Jerusalem toe. Daar sal die Seun van die mens aan die priesterhoofde en skrifgeleerdes oorgelewer word, en hulle sal Hom tot die dood veroordeel. ¹⁹Hulle sal Hom uitlewer aan die heidene, wat Hom sal bespot en gésel en kruisig. En op die derde dag sal Hy uit die dood opgewek word.’”

Matteus 20:17-19

Hersiening

1. Jesus is gebore uit ’n maagd met die naam _____.
2. Sy pa, _____, het ’n droom gehad waarin God vir hom gesê het om na Egipte te vlug omdat koning Herodus Jesus wou _____.
3. Johannes die Doper het in die woestyn gebly waar hy gepreek het, en almal gedoop het wat hulle _____ het van hulle sondes.
4. Alhoewel Jesus geen _____ gehad het nie, het Hy vir Johannes die Doper gevra om Hom te doop.
5. Wat beteken die woord “bekeer”? _____.
6. Toe Jesus gedoop is, het die _____ soos ’n duif op Hom neergedaal, en die stem van God het gesê: “Dit is my _____ . Oor Hom verheug Ek My.”
7. In die woestyn is Jesus deur _____ versoek.

8. Jesus het twee mans teëgekom wat van die _____ besete was. Hy het Sy mag om duiwels te _____ bewys.
9. Merk u keuse met 'n \checkmark :
Wat is die beste:
- 'n groot sondaar, met baie sondes, wat hom bekeer,
OF
 'n persoon wat 'min' sondes het, maar hom nooit daarvan bekeer nie?
10. Jesus het gesê as jy *Hom* voor mense bely, sal Hy jónú voor Sy _____ in die hemel _____.
11. Baie Galileërs, die mense van Kapernaum ingesluit, het die Woord van God _____; hulle het Jesus slegs gevolg omdat Hy so baie wonderwerke gedoen het.
12. Hulle wou hulle nie van hul sondes bekeer nie. Sê weer wat "bekeer" beteken. _____
13. Jesus het gesê dat Hy _____ sal gee aan almal wat moeg en oorlaai is, want Sy las is _____.
14. Die Fariseërs wou nie hê dat Jesus die man met die verdorde hand moes genees nie, omdat dit die _____ dag was, en omdat dit teen die wet was om op dié dag te _____.
15. Die Fariseërs het planne gemaak om Jesus _____ te _____.
16. Jesus het geweet dat die Fariseërs Sy dood beplan het, maar Hy het aanhou wonderwerke doen. Een keer het Hy meer as 4 000 mense gevoed met twee _____ en vyf _____.

Jesus en Sy dissipels het die reis van Galilea na Jerusalem aangepak. Net voor hulle in Jerusalem aangekom het, het Jesus twee van Sy dissipels na 'n sekere dorpie gestuur om 'n donkie te gaan haal, asook 'n jong donkie wat Hy nodig gehad het. Jesus het op die vulletje Jerusalem binnegegaan.

Jesus se intog in Jerusalem was triomfantelik. 'n Skare het aan

albei kante van die straat saamgedrom. Die grootste deel van hulle het hul klere soos 'n tapyt op die pad gelê vir Jesus om daarop die stad binne te gaan. Party mense het palmtakke afgebreek en dit op die pad gegooi om Hom te verheerlik. Nog ander het vooruit geloop, of agterna gekom, en uitgeroep: "Prys die Seun van Dawid! Loof Hom wat in die Naam van die Here kom! Prys Hom in die hoogste hemel!"

Die hele Jerusalem is hierdeur in beroering gebring. Almal het gevra: "Wie is hierdie man?" en die skare het vir hulle gesê: "Dit is die profeet Jesus van Nasaret in Galilea!"

Jesus het toe die stad binnegegaan en na die Joodse tempel toe gegaan. Hier het Hy al die handelaars uitgejaag. Hy het die tafels van die geldwisselaars wat in die tempel besigheid gedoen het, omgegooi en vir hulle gesê: "Daar staan geskrywe: 'My huis sal 'n huis van gebed wees,' maar julle maak dit 'n rowerne.'" Hierna het Hy blindes en kreupeles in die tempel genees.

Nadat Jesus die mense baie dinge geleer het en baie tekens en wonders gedoen het in die tempel, het die priesterhoofde en die familiehoofde bymekaargekom om Jesus se dood te beplan. Hulle het saam planne gemaak om Jesus op 'n slinkse manier gevange te neem en dood te maak. Hulle was egter skrikkerig om gedurende die Paasfees so 'n sameswering uit te voer. Hulle het toe besluit om te wag tot die Paasfees verby was voor hulle met Jesus afreken.

Een van Jesus se twaalf dissipels, Judas Iskariot was sy naam, het na die priesterhoofde gegaan. "Wat sal julle my gee as ek sorg dat Jesus in julle hande kom?" vra hy hulle toe. Hulle het hom dertig silwer muntstukke gegee. Van toe af het Judas 'n kans gesoek om Jesus aan hulle oor te gee.

Die dissipels het 'n maaltyd voorberei volgens Jesus se spesifikasies, omdat hulle saam met Hom die Paasfees sou vier. Die aand het Jesus Sy plek aan tafel ingeneem saam met Sy twaalf

dissipels. Toe sê Hy vir hulle: “Dit verseker Ek julle: Een van julle sal My verrai.” Sy dissipels het baie hartseer geword en elkeen het gevra: “Here, is dit ek?”

Jesus het hulle geantwoord: “Die een wat saam met My sy brood in die skottel insteek, dit is hy wat My sal verrai. Die Seun van die mens gaan inderdaad sterwe soos daar oor Hom geskrywe staan; maar wee die man deur wie die Seun van die mens verrai word. Dit sou vir daardie man beter gewees het as hy nooit gebore was nie.”

Judas, die een wat reeds besig was om Hom te verrai, vra toe: “Is dit miskien ek, Rabbi?” Toe sê Jesus: “Dit is soos jy sê!”

Hulle het toe geëet en terwyl hulle eet, het Jesus die brood geneem, die seën gevra en dit gebreek. Hy het dit vir Sy dissipels gegee en gesê: “Neem, eet; dit is my liggaam.” Hy het die beker geneem, gedank en dit vir hulle gegee met die woorde: “Drink almal daaruit, want dit is my bloed, die bloed waardeur die verbond beseël word en wat vir baie vergiet word tot vergewing van sondes.”

Toe hulle klaar geëet het, het hulle ’n lofsang gesing. Hulle het toe uitgegaan na die Olyfberg toe. Daar het Jesus hulle nog verder geleer, ook van die dinge wat spoedig sou gebeur.

Jesus het hulle toe geneem na ’n plek met die naam Getsemane waar hulle die nag saam met Hom moes bid. Hy het Petrus, Jakobus en Johannes met Hom saamgeneem omdat Hy baie benoud geword het en Hy het hulle gevra om saam met Hom te waak. Hy het ’n entjie verder alleen tot Sy Vader gaan bid oor die gebeure wat binnekort sou plaasvind. Sy woorde is soos volg neergeskryf:

“My Vader, as dit moontlik is, laat hierdie lydenskoper by My verbygaan. Moet nogtans nie doen soos Ek wil nie, maar soos U wil.”

Daar is geskryf dat Hy hierdie selfde gebed drie maal gebid het en dat Sy hart so seer was, dat Hy kon sterf.

Die dissipels kon egter nie eens hulle oë vir ’n enkele uur oophou nie. Hulle het almal aan die slaap geraak. Jesus het hulle uiteindelik

almal wakker gemaak met die woorde: “Staan op, kom ons loop. Kyk, die man wat My verrai, is hier naby.”

Mondeling Vrae

1. Op watter soort dier het Jesus Jerusalem binnegeery?
2. Hoe het die mense Jesus behandel toe Hy Jerusalem binnegegaan het?
3. Wat het Judas gedoen om Jesus te verrai.
4. Watter feesviering was daar in die stad?
5. Hoe het Jesus vir Judas gewaarsku dat Hy weet hy sou Hom verrai?
6. Wat het Jesus oor die wyn gesê by die maaltyd?
7. Waarom was dit volgens Jesus nodig dat Sy bloed gestort moes word?
8. Jesus het Sy dissipels Getsemane toe geneem om die nag daar deur te bring in gebed. Hoeveel van Sy dissipels het die nag saam met Hom gewaak en gebid?
9. Watter gebed het Jesus die nag toe Hy verrai is, gebid?

Geestelike Waarhede – Les 5 **Matteus 20 – 26**

1. God is in beheer van alles. Die Fariseërs het saamgesweer om Jesus onkant te betrap. Maar God het hulle die hele tyd gebruik om Sy volmaakte wil te doen op aarde. Dit was altyd God se wil dat Jesus aan die kruis sou sterf.
2. God weet van dinge wat in ons harte is waarvan ander nie weet nie. Jesus het die hele tyd geweet dat Sy dissipel, Judas, Hom sou verrai.
3. Jesus het ons lief en Hy bewys dieselfde liefde aan ons, selfs al sou ons Hom verwerp! Jesus het Judas só goed behandel dat die ander dissipels nie kon glo dat hy die verraaier was nie. Net so het Jesus ons ook lief en behandel Hy ons ook met liefde, selfs al verrai ons Hom vele kere en verwerp ons Hom en Sy wil.
4. Jesus se bloed is vir ons gestort vir die vergewing van ons sondes. Die dissipels het nog nie verstaan dat Jesus moes sterf nie. Dat God betaling eis van elke mens vir die sondes in hul lewens, het hulle nog nie verstaan nie. Hulle het ook nie verstaan dat hierdie betaling *bloed* is wat gestort word nie. Hulle het verstaan dat Jesus hulle liefhet en dat hulle sondes vergewe is, maar hulle het nog tyd nodig gehad voor hulle sou verstaan watter prys Hy moes betaal sodat hulle sondes vergewe kon word.

* Baie mense weet dat daar sonde in hulle lewens is. Baie het selfs al die verhaal van Jesus gehoor, en dat Hy hulle liefhet. Maar baie min mense verstaan dat God bloed eis as betaling vir sonde. Omdat Jesus God is, is Hy die enigste mens wat ooit sonder sonde was of

sal wees. Sy ongelooflike liefde vir ons het Hom bereid gemaak om Sy lewe oor te gee as 'n offer om die prys te betaal vir ons sondes en vir die sondes van die hele wêreld. Dit is as gevolg van hierdie offer dat ons nou vergifnis kan kry vir ons sondes en vrede kan hê by God.

Volgende week sal ons D.V. kyk na die kruisiging van Christus.

DIE GOEIE NUUS VAN JESUS

Deur
Christy A. Brawner

“Jesus se Kruisiging” – Les 6 **Matteus 26 – 27**

“Jesus antwoord hom: ‘Dit is soos u sê. Daarby sê Ek vir julle: Van nou af sal julle die Seun van die mens sien waar Hy aan die regterhand sit van Hom wat magtig is, en julle sal Hom sien kom op die wolke van die hemel.’ ” **Matteus 26:64**

Hersiening

1. Jesus is gebore uit 'n maagd met die naam _____.
2. Soos in die Skrifte voorspel is, is Jesus gebore in die stad van _____.
3. Net soos die Skrifte gesê het, het Jesus uit _____ gekom omdat Hy van koning Herodus moes vlug.
4. Jesus se pa, _____, het 'n droom gehad waarin hy aangesê is om terug te keer na Israel omdat koning Herodus dood is. Josef was steeds bang vir koning Herodus se seun en het met sy gesin in _____ gaan woon, in 'n dorpie met die naam Nasaret.
5. Jesus het Sy openbare optrede begin deur Hom te laat doop deur _____.
6. Toe Jesus uit die water opkom, het die _____ soos 'n duif op Hom neergedaal. Die stem van _____ het uit die hemel gekom: “Dit is my geliefde Seun. Oor Hom verheug Ek my.”
7. Jesus het baie mense genees en baie se _____ vergewe.
8. Selfs na baie wonderwerke het baie mense uit die Galilea-

streek Jesus se boodskap _____ en wou hulle hulle nie van hul sondes bekeer nie.

9. Wat beteken “bekeer”?
10. Toe Jesus Jerusalem binnegegaan het, was daar 'n groot menigte wat Hom gevolg het. Jesus het op 'n _____ gery.
11. Die aan toe die Paasfees gevier is, het Jesus vir Sy dissipels gesê dat een van hulle Hom sou _____. Nie een van hulle het toe geweet wie dit was nie.
12. Jesus het gepraat van die wyn wat hulle gedrink het. Hy het gesê dat dit Sy bloed verteenwoordig wat gestort sou word vir die _____ van sondes.
13. Die dissipels het die woorde gehoor, maar kon steeds nie begryp dat Jesus vir hulle sondes sou _____ nie.
14. Na ete het hulle almal na die Olyfberg gegaan en toe na Getsemane. Jesus het gedurende die nag gebid terwyl Sy dissipels _____ het.
15. Jesus het gebid: “as dit moontlik is, laat hierdie lydensbeker by My verbygaan. Moet nogtans nie doen soos Ek wil nie, maar soos _____ wil.”

Terwyl Jesus nog besig was om die dissipels wakker te maak, kom Judas, die een wat Hom verrai het, daar aan en saam met hom 'n groot groep mense met swaarde en stokke wat deur die priester- en familiehoofde gestuur is. Judas het na Jesus toe gegaan en Hom gesoen met die woorde: “Goeiemôre, Rabbi.” Jesus het hom geantwoord: “Vriend, doen wat jy gekom het om te doen!”

Een van die dissipels het skielik sy swaard uitgepluk en die oor van die hoëpriester se slaaf afgekap. Jesus het hom bestraf en die man se oor genees. Hy het vir Sy dissipels gesê dat daar meer as twaalf legioene engele was na wie Hy kon roep om hulp, maar dat alles wat besig was om te gebeur volgens die wil van die Vader was, sodat die Skrif vervul kon word.

Jesus het toe na die groep mense gedraai en vir hulle gevra: “Was dit vir julle nodig om met swaarde en stokke uit te gaan om My te vang asof Ek ’n rower is? Dag vir dag het Ek in die tempel gesit en die mense geleer, en julle het My nie gevange geneem nie. Maar dit alles het gebeur sodat die geskrifte van die profete vervul kan word.”

Sy dissipels het gevul en Hom in die steek gelaat.

Die mense wat Jesus gevange geneem het, het Hom na die huis geneem van ’n man met die naam Kajafas. Hy was die hoëpriester. By sy huis het al die skrifgeleerdes en familiehoofde gewag om Hom te ondervra.

Hulle het baie mense gekry om vals getuienis teen Jesus te lewer sodat hulle Hom ter dood kon veroordeel. Baie het na vore gekom en tóg kon die Raad niks teen Hom vind nie. Uiteindelik het die hoëpriester vir Jesus gesê: “Ek stel jou onder ’n eed by die lewende God dat jy vir ons moet sê: Is jy die Christus, die Seun van God?”

Jesus het hom geantwoord: “Dit is soos u sê. Daarby sê Ek vir julle: Van nou af sal julle die Seun van die mens sien waar Hy aan die regterhand sit van Hom wat magtig is, en julle sal Hom sien kom op die wolke van die hemel.”

Toe hy dit hoor, het die hoëpriester sy klere geskeur. “Hy het God gelaster,” het hy gesê. Die mense het Jesus toe gevat, in Sy gesig gespoeg en Hom met die vuus geslaan. ’n Paar het Hom geklap en gesê: “Jy is mos ’n profeet, Christus! Sê vir ons, wie het jou geslaan?”

Toe dit uiteindelik oggend was, het die priesterhoofde en die familiehoofde Jesus na die Romeinse goewerneur, Pontius Pilatus, geneem. Hulle het vir hom gesê dat Jesus daarop aanspraak maak dat Hy die Koning van die Jode is.

Pilatus het Jesus ondervra: “Is jy die koning van die Jode?” Jesus het geantwoord: “Dit is soos u sê.”

Pilatus kon slegs nadat hy Jesus ondervra het geen rede vind om Hom te kruisig nie. Terwyl Pilatus op die regbank gesit het, het sy

vrou vir hom ’n boodskap gestuur om *niks* te doen te hê met daardie onskuldige man nie. Pilatus het geweet dat hulle Jesus aan hom uitgelewer het uit afguns. Hy het egter nie geweet wat om te doen nie, want die mense het oproerig geraak.

Pilatus het ’n gewoonte gehad om elke jaar tydens Paasfees vir die volk ’n gevangene van hulle keuse vry te laat. In daardie jaar was daar ’n berugte misdadiger genaamd Jesus Barabbas in die tronk. Pilatus het die mense toe ’n keuse gegee: “Wie wil julle hê moet ek vir julle loslaat: Jesus Barabbas of Jesus wat Christus genoem word?” Maar die mense, opgestook deur die Fariseërs, het uitgeskree: “Barabbas!”

“Wat moet ek dan doen met Jesus wat Christus genoem word?” vra Pilatus toe.

“Kruisig Hom!” skreeu hulle toe almal.

Pilatus het gesien dat hulle oproerig raak. Hy het toe ’n bake met water gevat en sy hande voor die skare gewas en gesê: “Ek is onskuldig aan die bloed van hierdie regverdige man; julle kan toesien!” Hy het Barabbas vir die mense losgelaat en vir Jesus weggestuur om gegêsel te word.

Die soldate het Jesus na die Praetorium geneem, dit is Pilatus se hoofkwartier. Daar het hulle Hom gemartel en bespot. Hulle het om Hom gaan staan, Sy klere uitgetrek en ’n pers mantel om Hom gegooi. Toe het hulle ’n kroon gevleg van dorings en dit op Sy kop gesit. Hulle het ’n stok in Sy regterhand gesit asof dit ’n septer was en voor Hom gekniel terwyl hulle sarkasties sê: “Ons groet u, Koning van die Jode!” Hulle het op Hom gespeog en Hom met die stok wat Hy in Sy hand gehou het oor die kop geslaan. Toe hulle Hom genoeg bespot het, het hulle die mantel uitgetrek en weer Sy eie klere vir Hom aangetrek. Toe het hulle Hom weggelei na die plek met die naam Golgota (“Kopbeenplek”) om gekruisig te word.

Daar het hulle Hom gekruisig. Die Romeine het 'n kennisgewing bokant Sy kop geplaas: "Dit is Jesus, die koning van die Jode." En Jesus is tussen twee rowers gekruisig.

Van twaalfuur af het daar 'n groot duisternis oor die hele land gekom. Dit het aangehou tot drie-uur. Dit was omtrent drie-uur toe Jesus hard uitroep: "Eli, Eli, lemá sabagtani?" (Dit beteken: "My God, my God, waarom het U My verlaat?"). 'n Bietjie later het Hy weer hard uitgeroep en die laaste asem uitgeblaas.

Op daardie oomblik het baie eenaardige dinge gelyktydig gebeur: die voorhangsel van die tempel het van bo na onder middeldeer geskeur, die aarde het geskud en rotse het uitmekaar gebars. Grafte het oopgegaan en baie gelowiges wat dood was, is opgewek en het uit hulle grafte uitgegaan. Na Jesus se opstanding het hulle in Jerusalem ingegaan en is deur baie mense gesien.

Mondelinge Vrae

1. Hoe is Jesus verraai?
2. Een van Jesus se dissipels het Hom probeer verdedig. Wat het hy gedoen en wat was Jesus se reaksie daarop?
3. Wat het al Jesus se dissipels gedoen toe Hy verraai is?
4. Waarheen het die mense Jesus geneem van die tuin af?
5. Selfs al was daar baie valse getuïenisse, wat moes hulle doen om Jesus uiteindelik skuldig te bevind aan 'godslastering'?
6. Waarheen het die Joodse leiers Jesus vroeg die oggend geneem?
7. Nadat Pilatus Jesus ondervra het, het hy bevind dat Hy onskuldig was, maar Pilatus was bang vir die mense en het die besluit oor wat met Jesus moes gebeur, aan hulle oorgelaat. Watter keuse het hy hulle gegee en wat was hulle keuse?
8. Hoe het die soldate Jesus behandel?

9. Jesus het na drie ure van duisternis uitgeroep tot God. Hoe kan die uitroep vertaal word?
10. Noem 'n paar van die eenaardige dinge wat gebeur het nadat Jesus gesterf het?

Geestelike Waarhede – Les 6 Matteus 26 – 27

1. Wie is Jesus? “die Seun van die mens wat aan die regterhand sit van Hom wat magtig is, en wat sal kom op die wolke van die hemel.” Dit is wat Jesus die priesterhoof geantwoord het en hierdie antwoord het uiteindelik gelei tot Sy kruisiging... Daardie mense kon nie die antwoord aanvaar nie. Maar elke mens *moet* met hierdie vraag worstel. Wie is Jesus *wêrklik*? As Jesus *wêrklik* aan die regterhand van die Almagtige sit, en weer sal kom op die wolke van die hemel, móét ons elkeen besluit hoe ons op Hom gaan reageer!

2. Jesus is in Barabbas, ’n verfoeilike misdadiger, se plek gekruisig; in ruil daarvoor is Barabbas vrygelaat.

* Ek is miskien nie ’n verfoeilike misdadiger nie, maar ek is, net soos Barabbas, voor God sondaar wat die dood verdien. Die Bybel sê in Romeine 6:23: “Die loon wat die sonde gee, is die dood;” Dit beteken dat ons almal die dood verdien omdat ons slegte dinge in ons lewens gedoen het. Dit maak nie saak of ons baie sondes het, soos Barabbas, en of ons relatief ‘goed’ is soos sommige van Jesus se dissipels nie.

3. Jesus is gemartel, veroordeel en doodgemaak om die prys te betaal vir die sondes in ons lewens. Vir hierdie doel het Jesus aarde toe gekom. Hy wou hê dat ons voor God sal kan staan, vergewe van ons sondes. Party mense het gesê Jesus was ’n martelaar of ’n profeet, maar dit is nie waar nie! Jesus het Self gesê dat Hy God is en dat Hy aarde toe moes kom om vir ons sondes te kom sterf.

4. Jesus het gesterf. Hy kon enige tyd van die kruis afgekrom het as Hy wou. Hy het net nodig gehad om één woord te spreek om almal dood te maak wat Hom bespot het. Maar, uit vrye keuse het Hy die vernedering verdra en aan die kruis gebly tot die bestemde tyd. Toe, op die tyd wat die Vader bepaal het, het Hy gesterf (Sy Gees oorgegee). Hy het verkies om te sterf omdat Hy die skuld wou betaal vir ons sondes. Die Bybel sê in Johannes 3:16: “Want so lief het God die wêreld gehad, dat Hy sy eniggebore Seun gegee het, sodat elkeen wat in Hom glo, nie verlore mag gaan nie, maar die ewige lewe kan hê.” (ou vertaling)

* In die volgende les kyk ons na Jesus se opstanding. Die waarheid is dat Jesus nie dood is nie, maar dat Hy lewe en dat Hy vandag in jou lewe wil inkom. Hy wil jou hart reinig van alle sondes en jou hele lewe verander.

DIE GOEIE NUUS VAN JESUS

Deur
Christy A. Brawner

“Jesus se Opstanding” – Les 7 **Matteus 27 – 28**

⁵“Julle moet nie bang wees nie. Ek weet julle soek Jesus wat gekruisig is. ⁶Hy is nie hier nie, want Hy is uit die dood opgewek, soos Hy gesê het.” **Matteus 28:5-6**

Hersiening

1. Jesus is gebore uit 'n maagd, _____.
2. Jesus het Sy openbare bediening begin deur _____ te word deur 'n man genaamd Johannes die Doper.
3. By Sy doop, het die _____ soos 'n duif op Jesus neergedaal. God se stem het uit die hemel gepraat: “Dit is my geliefde _____. Oor Hom verheug Ek my.” Dit wys ons die drie Persone van die Drie-eenheid: God die _____, God die _____ en God die _____.
4. Jesus het baie mense gesond gemaak en baie mense se _____ vergewe.
5. Selfs na al die wonderwerke het baie mense wat in Galilea gewoon het Sy woorde verwerp en wou hulle hulle nie _____ van hul sondes nie.
6. Wat beteken die woord “bekeer”?
7. Jesus het gesê dat die wyn simbolies was van Sy bloed wat _____ sou word vir baie vir die _____ van sondes.

8. Fariseërs het Jesus in die tuin waar Hy gaan bid het, gevange geneem. Hulle het Hom na die huis van die hoë _____, Kajafas geneem.
9. Die hoëpriester het Jesus gevra of Hy die _____ was en Jesus het geantwoord dat Hy *is*. Toe het mense na Jesus gekom en in Sy gesig _____, Hom met die _____ geslaan en Hom _____.
10. Toe die oggend aanbreek, het die Fariseërs Jesus na die Romeinse goewerneur wie se naam _____ was, geneem.
11. Pilatus het Jesus onskuldig bevind, maar het toegelaat dat Hy gekruisig word omdat hy gevrees het vir 'n _____ onder die volk.
12. Die Romeinse soldate het Jesus gemartel. Hulle het 'n _____ kroon op Sy kop gesit en Hom met die _____ wat hulle Hom eers gegee het om as “septer” vas te hou, oor die kop geslaan.
13. Bokant Jesus se kop was daar 'n kennisgewing: ‘DIT IS JESUS, DIE _____ VAN DIE JODE.’
14. Van twaalfuur tot drie-uur was daar _____ op die aarde.

Daar was 'n baie ryk man met die naam Josef van Arimatea wat ook 'n dissipel van Jesus was. Hy het vir Pilatus toestemming gevra om Jesus se liggaam te begrawe. Pilatus het dit toegestaan en Jesus is in die nuwe graf van Josef van Arimatea neergelê. Nadat hulle Hom daarin neergelê het, is 'n groot rots voor die ingang gerol.

Die volgende dag het die Fariseërs bymekaar gekom en na Pilatus gegaan omdat hulle onthou het dat Jesus gesê het dat Hy op die derde dag sou opstaan uit die dood. Hulle het Pilatus gevra om die graf te laat bewaak tot die derde dag, ingeval iets met die liggaam sou

gebeur. Pilatus het hulle toestemming gegee om die graf te beveilig. Hulle het soontoe gegaan en wagte voor die graf geplaas en die graf verseël.

Op die eerste dag van die week het Maria Magdalena en die ander Maria na die graf toe gegaan. Toe hulle daar kom, was daar 'n aardbewing. Die rots waarmee die graf verseël was, is weggerol en 'n engel van die Here het daarop gesit. Die wagte wat die graf moes bewaak, het van vrees gebewe en soos dooie mense geword.

Die engel het met die vroue gepraat: "Julle moet nie bang wees nie. Ek weet julle soek Jesus wat gekruisig is, maar Hy is nie hier nie, want Hy is uit die dood opgewek, soos Hy gesê het. Kom nader en kyk: daar is die plek waar Hy gelê het. Gaan gou en sê vir sy dissipels: 'Hy is vooruit na Galilea toe. Daar sal julle Hom sien.' Dit is wat ek vir julle moes sê."

Die vroue het uit die graf uitgehardloop met vrees en groot vreugde en haastig gegaan om vir die dissipels te vertel wat gebeur het. Terwyl hulle egter op pad was om na die dissipels te gaan soek, het Jesus skielik voor hulle gestaan en hulle gegroet. Hulle het nader gegaan, Sy voete gegryp en Hom aanbid. Hy het vir hulle gesê om vir Sy broers te gaan sê om Hom in Galilea te gaan ontmoet.

Die soldate wat die graf moes bewaak, het in die stad ingegaan en vir die priesterhoofde gaan vertel wat by die graf gebeur het. Die priesterhoofde en familiehoofde het saam vergader. Hulle het besluit om vir die soldate 'n groot bedrag geld te gee sodat hulle die gerug versprei dat Jesus se dissipels Sy liggaam in die nag kom steel het terwyl hulle geslaap het. Hulle het ook belowe om die wagte te verdedig by die goewerneur. Toe het die soldate die omkoopgeld geneem en baie gerugte versprei.

Die oorblywende elf dissipels is toe na Galilea, na die berge waar Jesus afgespreek het om hulle te ontmoet. Toe hulle Hom sien, het hulle Hom almal aanbid. Maar party het getwyfel.

Die laaste keer wat Jesus met hulle gepraat het, het Hy gesê: "Aan My is alle mag gegee in die hemel en op die aarde. Gaan dan na al die nasies toe en maak die mense my dissipels: doop hulle in die Naam van die Vader en die Seun en die Heilige Gees, en leer hulle om alles te onderhou wat Ek julle beveel het. En onthou: Ek is by julle al die dae tot die voleinding van die wêreld."

Mondelinge Vrae

1. Watter versoek het Josef van Arimatea tot Pilatus gerig?
2. Die Fariseërs was bang dat iets met Jesus se liggaam sou gebeur op die derde dag. Hoekom?
3. Wie het op die eerste dag van die week na die graf gegaan, en wat het hulle gevind toe hulle by die graf kom?
4. Toe hulle op pad was om vir die dissipels te sê wat hulle gesien het, vir wie sien die vroue?
5. Jesus het vir Sy dissipels laat weet om Hom op 'n ander plek as Jerusalem te ontmoet. Waar?
6. Op die berg het Jesus aan Sy dissipels 'n baie belangrike oopdrag gegee: "Gaan dan na al die nasies toe en maak die mense my _____: _____ hulle in die Naam van die Vader en die Seun en die _____, en leer hulle om alles te onderhou wat Ek hulle beveel het. En onthou: Ek is by julle al die dae tot die voleinding van die wêreld."